

DIE ART

hiehr. Also miehr hamm, mier hamm ja nischd andres, na. Miehr gönn nischd andres. Miehr missn dass eihnfach machn, unn wende jeds sahchs, schreib mahl ä Briehf odor sohwat, das gehd ain-fach nisch, heje, weil... Miehr hamm dswahr ä hohn, wiehs vohrhins schohn gesahchd wurde, Eigjuh awor...

ME: Was is n eischndlich dass da fiehr ne Diehbe?

Ma: Deer dah! Dass iss doohr Mähndschor un-sor Grubbe, deer heßd *Lahrs Winsche*. Dehr bedreid uns hiehr so unn machd sei Ding. Isch meene, manschmahl wird der ä bissl greesnwahn-sinnsch, ahbor im Grohsn un Gandsn haldn miehr dass schohn in Grendsn, heje.

ME: lehr genndn also immor noch dsuriggfeihfn.

Ma: Naja. Nuh glahr. Isch meene, ähr fährt dswar jeds dreih ohdor fiehr verschiehdne Audohs, un miehr hamm immor noch geens, nu. Weesd ja, wiehs iss. Denng an *Schö Gogger!*

ME: Ises nisch ä bissl brohblemadisch, ooch noch *Breissn* als Mähndschor dsu hamm?

Ma: Souhlange dehr dsum *Eff Dseh Saggsn* hält, machsch miehr da geene Sohrschn. Nu isses ja nuh ooch soh gegommn, weihl alles andersch geworden is.

ME: Da hadssch gehwismahsen ä was vorändord.

Ma: Siss alles andors geworden unn duh gannsd, duh gannsd jah nisch meehr dsurigg.

ME: Isch sähe gehrade, das da eier *breisscher Drommlor* dsuuh uns annen Disch gehgommn iss.

Ma: Deehr gann abor bäweissn, dassers schohn viehl gehlernnd hadd. Sahche ma ä Sads!

Sch: *Off Leebdssch soll'sch was sahchn. Dor Magarios had mir Underricht gegeben drin un ä bissl habschs gelernt. Ä bissl.*

Ma: Dä ärsdn erfolsche hiehr! ... unn isch muss ooch nohch was andres sahchn, hiehr, isch meehne, miehr sahchn immor, miehr sinn *Saggsn*...

ME: Aahbohr meih liehbor Scharrlieh!!!

Ma: ...ahbor, in Wahrheed sinn miehr jah *Leibds-schor. Das is ä was nohch Rangheeheres als nur Saggsse*. Wiehr hamm ooch ä sohwat, wie *Bährlien* eehm, hiehr ne Inslfundsschjohn hadde, had Leibdssch eehm ooch, ne Inslfundsschjohn, heej. Souh. Scheen dreggsch. Angeheehm. *Heej*.

ME: Dah fällt miehr ooch noch was eihn, heje, wieh fiehld mor sisch denn soouh *als Saggsse in Bährlihn*, wenn mer noch geehne fuffdssch Meh-dor ausm Haus gegang is, unn an dor Wand schoünn sou ä Schbruch leehsn muss: *Saggsnvorrboohd in Bährlihn!* Fiehld mer sisch da dissgrimmiehrd?

Ma: Dass dangiehrd misch gahrnisch meehr. Das beweessd nuhr dä Mindorwerdschgeihd des Schbri-cheglobbfors. Höh. Ääh.

ME: Wiehld das off? Isch meehne, duhd das weeh. Dsiehd das, dserrd das soe im Herdsn?

Ma: Im erschdn Mohmend, da schdichds im Herde.

ME: Das habsch miehr nähmlich schohn gedachd.

Ma: Ahbor miehr sinn ja grundgemiedlich, heje. Miehr hamm ja noch nieh was Beeses gemacht heje. Noch *niieh* inn unsorm Lähm.

ME: lehr habbd ja eischndlich immor nuhr Guh-des gewollt.

Ma: Miehr hamm immor Guhdes gewollt. Das wolln miehr midd unsrohr Musigg. Unsohr Immidisch iss ja dähmahsn bohshiedief, hej. *Wenn miehr geehne Saggsn währn, währn miehr beihm Baggwahn, heje.*

ME: Ahbor volle, hä!

Ma: S'gibbd jah nuhr die dsweeh Sachn, dieh dsweeh Relligschohnen: *Saggsn unn Baggwahn*. Alles andre sinn Randerscheihnungen.

Ch: *Hallouh Schungs!*

ME: Dah gommd grahde eier *Bändliedhor* vom Schiffn dsurigg midd nor Aggdngisde.

Ma: Was hasdn dah fürne Gisde. Da hasde dä Gneehde drinne, häh?

Ch: S'Moohs. Häh. Oohne Moohs nischd loohs. Häh.

Ma: Miehr machns jah nuhr noch fier Gelld, heej.

ME: lehr seihd alsouh gorrumbierbar.

Ma: Miehr sinn douhdahl gorrumbierbar! Miehr hamm geehn Gäwissn, heje. Holsde miehr mah was dsum fressn.

L.W. (Manager und Berliner): *Es gibt nichts zum Essen.*

Ma: Isch hab hiehr noch nischd dsum fressn gegriegd, heje.

ME: Mohr will de *Saggsn* hiehr im Feindeslandd sohdshsahchn aushungorn!

Ma: *Bass off!* Dieh benidsn uns nuhr, um iehr Haus volldsgrieschn. Das iss alles. Dann lassn se uns hängn. Ahbor dohdahl in dor Luffd. S'gibd weh-dor ne Gahge noch irschnd ä was dsum fressn. Mohr grischn hiehr ain-fach nischd dswischn dä Dsähe. Dor Mahchn gnurrd. Unn duh misd diehr alles fier Deehmarg goofn.

ME: Das greifd jeds wieh ne Seiche um sich rum, middm *Fier-Dehmarg-Gooohn. Ieberall!* Duh grischn doch nischd meehr fierne Osdmarg!

Ma: Isch hab alles noch heeme! Da gannsd de Gebbe ausschneidn un ande Wahnd gleeem, dass is das Besde, was da damidd noch machn gannsd, heje. *Ahrbeidslaachor! Sooh! Beehrgweg! Bärgwärg!!*

Ch: Meih Colleehsche is ä bissl raddigahl!

Ma: *Bärgwärsch! Nuhr Bärgwärsch!*

Ch: Isch sahch diehr nuhr eens. Rächds ohder lings is scheissehghal, mich sollnd sä ande Rehgiehrung lassn. *Mich!!* Dehn würdschs schohn dseihn, ohdor was!

Ma: Dehn würdsde eehn blahsn, hee du!

Ch: *Ahborn Marsch!!!*

Ma: N'Marsch. *Nuglahr!* Glahr... Alsoh, woohn das fiehrn soll hiehr, wenn miehr nisch geheerd währn, dann geehd alles undor. Jähäh, da iss Deuschlandd vorlohrn, da iss dä Weld vorlohrn.

ME: Eischndlich woldmor jah iebers Briehwahde rehdn.

